

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

R J E Š E N J E

**po Prijavi namjere koncentracije privrednih subjekata KI-KELAG International GmbH,
Klagenfurt, Austrija i INTERENERGO, energetska inženjering, d.d., Ljubljana, Slovenija**

**Sarajevo
Decembar, 2009. godine**



Broj: 01-03-26-035-9-II/09
Sarajevo, 01.12.2009. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi namjere koncentracije privrednog subjekta KI-KELAG International GmbH, Arnulfplatz 2, 9020 Klagenfurt, Republika Austrija i privrednog subjekta INTERENERGO, energetski inženiring, d.d., Železna cesta 18, 1000 Ljubljana, Republika Slovenija, podnesenoj od strane advokata Seada Miljkovića, Fra Anđela Zvizdovića 1, 71000 Sarajevo, zaprimljenoj dana 13.10.2009. godine pod brojem: 01-03-26-035-II/09, Konkurencijsko vijeće, na 98. (devedesetosmoj) sjednici održanoj dana 01.12.2009. godine, je donijelo

R J E Š E N J E

1. Ocjenjuje se dopuštenom koncentracija koja ima utjecaj na tržište električne energije u Bosni i Hercegovini, i koja nastaje stjecanjem kontrole privrednog subjekta KI-KELAG International GmbH, Arnulfplatz 2, 9020 Klagenfurt, Austrija nad privrednim subjektom INTERENERGO, energetski inženiring, d.d., Železna cesta 18, 1000 Ljubljana, Republika Slovenija, kupovinom 100,0% dionica.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glasicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 13.10.2009. godine pod brojem: 01-03-26-035-II/09, Prijavu namjere koncentracije (u daljem tekstu: Prijava) od privrednog subjekta KELAG-Kärntner Elektrizitäts-Aktiengesellschaft Arnulfplatz 2, 9020 Klagenfurt, Republika Austrija (u daljem tekstu: KELAG ili Podnosilac prijave), kao 100,0% vlasnika privrednog subjekta KI-KELAG International GmbH, Arnulfplatz 2, 9020 Klagenfurt, Austrija (u daljem tekstu: KI-KELAG), podnesenu po advokatu Seadu Miljković, Fra Anđela Zvizdovića 1, 71000 Sarajevo, Bosna i Hercegovina kojom privredni subjekt KI-KELAG namjerava steći kontrolu kupovinom 100,0% dionica u privrednom subjektu INTERENERGO, energetski inženiring, d.d., Železna cesta 18, 1000 Ljubljana, Slovenija (u daljem tekstu: INTERENERGO Slovenija).

Podnosilac prijave je istu samoinicijativno dopunio podneskom broj:01-03-26-035-1-II/09 dana 14.10.2009. godine i podneskom broj: 01-03-26-035-2-II/09 dana 15.10.2009. godine.

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“,

broj 95/06), te je u skladu sa članom 31. Zakona Konkurencijsko vijeće zatražilo dopunu iste dana 22.10.2009. godine aktom broj: 01-03-26-035-3-II/09.

Podnosilac prijave u skladu sa zahtjevom Konkurencijskog vijeća je dopunio Prijavu traženom dokumentacijom dana 27.10.2009. godine podneskom broj: 01-03-26-035-4-II/09.

Po prijemu tražene dokumentacije Konkurencijsko vijeće je utvrdilo Prijavu kompletnom i dana 12.11.2009. godine izdalo Potvrdu o prijemu kompletne i uredne Prijave broj: 01-03-26-035-5-II/09, u skladu sa članom 30. stav (3) Zakona.

Svojim podnescima od dana 18.11.2009. godine broj: 01-03-26-035-7-II/09 i dana 19.11.2009. godine broj: 01-03-26-035-8-II/09 Podnosilac je samoinicijativno dostavio dodatna pojašnjenja vezana za prijavu predmetne koncentracije.

Podnosilac prijave je naveo da je podnio zahtjev za ocjenu koncentracije tijelima ovlaštenim za ocjenu koncentracije u Republici Srbiji i Republici Makedoniji, u smislu člana 30. stav (2) Zakona.

Konkurencijsko vijeće u postupku ocjene dopuštenosti koncentracije je utvrdilo sljedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekti KI-KELAG International GmbH, Arnulfplatz 2, 9020 Klagenfurt, Republika Austrija i INTERENERGO, energetska inženjering, d.d., Železna cesta 18, 1000 Ljubljana, Republika Slovenija.

1.1. Privredni subjekt KI-KELAG

Privredni subjekt KI-KELAG International GmbH, Arnulfplatz 2, 9020 Klagenfurt, Republika Austrija registriran je na Okružnom sudu u Klagenfurtu, dana 29.01.2009. godine pod brojem: FN 322832d.

Privredni subjekt KI-KELAG je u 100,0% vlasništvu privrednog subjekta KELAG - Kärntner Elektrizitäts-Aktiengesellschaft, Arnulfplatz 2, 9020 Klagenfurt, Republika Austrija koji je registriran na Okružnom sudu u Klagenfurtu, dana 16.12.10922. godine pod brojem: FN 99133i.

Privredni subjekt Kärntner Energieholding Beteiligungs GmbH, Arnulfplatz 2, A-9020 Klagenfurt, Republika Austrija ima 63,85% dionica i većinski je vlasnik privrednog subjekta KELAG, dok privredni subjekt Verbund Österreichische Elektrizitätswirtschafts-AG, Am Hof 6a, A-1010 Beč, Republika Austrija posjeduje 35,12% dionica, a preostalih 1,03% dionica se nalazi u vlasništvu malih dioničara.

Privredni subjekt KI-KELAG je u sastavu Grupacije KELAG koja je jedna od vodećih grupacija na području opskrbe električnom i toplotnom energijom i prirodnim gasom u Republici Austriji.

Pretežna registrovana djelatnost Grupacije KELAG je proizvodnja, nabavka, distribucija i prodaja električne energije.

Privredni subjekt KI-KELAG nema 10,0% ili više vlasničkog udjela u osnovnom kapitalu, odnosno 10,0% i više prava glasa niti u jednom privrednom subjektu u Bosni i Hercegovini.

1.2. Privredni subjekt INTERENERGO Slovenija

Privredni subjekt INTERENERGO, energetski inženiring, d.d., Železna cesta 18, 1000 Ljubljana, Republika Slovenija, registrovan je u Poslovnom registru i Sudskom registru Republike Slovenije dana 22.08.2006. godine pod brojem: 2226405000.

Privredni subjekt Poteza Skupina d.d., Železna cesta 18, 1000 Ljubljana, Republika Slovenija ima 93,13% dionica privrednog subjekta INTERENERGO Slovenija, dok privredni subjekt MOTOR, poslovno in finansično svetovanje d.o.o., Opekarska cesta 5, 1000 Ljubljana, Republika Slovenija ima 6,86% dionica.

Pretežne registrovane djelatnosti privrednog subjekta INTERENERGO su prodaja električne energije i investiranje u napredne tehnologije u objekte koji koriste obnovljive izvore energije (hidroelektrane, elektrane na vjetreni pogon, elektrane na gas, kogeneracijske elektrane, fotovoltaične elektrane i sl.).

1.2.1. Povezana društva privrednog subjekta INTERENERGO Slovenija u Bosni i Hercegovini

Na tržištu Bosne i Hercegovine privredni subjekt INTERENERGO ima u vlasništvu tri supsidijarna društva - privredni subjekt INTERENERGO Privredno društvo za energetski inženjering d.o.o. Sarajevo, Fra Anđela Zvizdovića 1, 71000 Sarajevo (u daljem tekstu: INTERENERGO Sarajevo), privredni subjekt INTERENERGO d.o.o. Banja Luka, Knjaza Miloša 15, 78000 Banja Luka (u daljem tekstu: INTERENERGO Banja Luka) i privredni subjekt EHE d.o.o. Banja Luka EHE d.o.o. Knjaza Miloša 15, 78000 Banja Luka (u daljem tekstu: EHE Banja Luka).

1.2.1.1. Privredni subjekt INTERENERGO Sarajevo

Privredni subjekt INTERENERGO Sarajevo registrovan je na Opštinskom sudu u Sarajevu, dana 12.04.2007. godine pod brojem: 1-26376.

Pretežne registrovane djelatnosti privrednog subjekta INTERENERGO Sarajevo su trgovina električnom energijom za snabdijevanje električnom energijom drugog reda, trgovina, posredovanje na tržištu električne na svim naponskim nivoima, na osnovu dozvole broj: 06-03-502-10/6/08 izdate od Regulatorne komisije za električnu energiju u Federaciji Bosne i Hercegovine, kao i privremene dozvole broj: 05-28-272-20/08 za međunarodnu trgovinu električnom energijom, izdate od Državne regulatorne komisije za električnu energiju Bosne i Hercegovine.

1.2.1.2. Privredni subjekt INTERENERGO Banja Luka

Privredni subjekt INTERENERGO Banja Luka registrovan je na Osnovnom sudu Banja Luka, dana 19.09.2007. godine pod brojem: 1-16573-00.

Pretežna registrovana djelatnost privrednog subjekta INTERENERGO d.o.o. Banja Luka je vađenje sirove nafte.

1.2.1.3. Privredni subjekt EHE Banja Luka

Privredni subjekt EHE Banja Luka registrovan je na Osnovnom sudu Banja Luka, dana 23.11.2006. godine pod brojem 1-15768-00.

Pretežna registrovana djelatnost privrednog subjekta EHE d.o.o. Banja Luka je vađenje sirove nafte.

2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji, pri čemu je najmanje jedan privredni subjekt učesnik koncentracije registrovan na teritoriji Bosne i Hercegovine.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31.12.2008. godine su:

Tabela 1.

	KELAG		INTERENERGO Slovenija	
	EUR	KM	EUR	KM
Svijet	(..)* ¹	(..)*	(..)*	(..)*
BiH	-	-	(..)*	(..)*

Izvor: podaci iz Prijave

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, bili su obavezni podnijeti Prijavu.

3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata.

4. Pravni osnov i oblik koncentracije

Pravni osnov koncentracije, u smislu člana 30. stav (1) tačka a) Zakona, je definisan u članu 8. tačka f) alineja tri Odluke o načinu podnošenja prijave i kriterijima za ocjenu koncentracija privrednih subjekata.

¹ (..)* - podaci predstavljaju poslovnu tajnu

Konkurencijsko vijeće je kao pravni osnov predmetne koncentracije utvrdilo Ugovor o kupoprodaji i prijenosu dionica (u daljem tekstu: Ugovor) zaključen dana 05.10.2009. godine između privrednog subjekta KI-KELAG, kao kupca, privrednog subjekta Poteza Skupina, holding podjetje, d.d. i privrednog subjekta MOTOR, poslovno in finančno svetovanje, d.o.o., kao prodavaca, i privrednog subjekta INTERENERGO Slovenija.

Predmetnim Ugovorom privredni subjekt KI-KELAG kupuje dionice privrednog subjekta INTERENERGO Slovenija, koje su u vlasništvu privrednog subjekta Poteza Skupina, holding podjetje, d.d. kupuje (..)* upisanih običnih dionica, odnosno (..)*% dionica, i privrednog subjekta MOTOR, poslovno in finančno svetovanje, d.o.o. preostalih (..)*upisanih običnih dionica, odnosno (..)* % dionica.

Nakon provođenja predmetne koncentracije privredni subjekt KI-KELAG će biti jedini vlasnik privrednog subjekta INTERENERGO Slovenija.

Pravni oblik koncentracije predstavlja sticanje kontrole (od strane privrednog subjekta KI-KELAG), nad drugim privrednim subjektom (nad privrednim subjektom INTERENERGO Slovenija), u skladu sa članom 12. stav (1) pod b) tačka 1) Zakona.

5. Relevantno tržište koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Obzirom na navedeno, a na osnovu provedene analize djelovanja učesnika koncentracije Konkurencijsko vijeće je utvrdilo da je relevantno tržište proizvoda koncentracije tržište električne energije.

Relevantnim tržištem u geografskom smislu smatra se tržište Bosne i Hercegovine, budući da učesnici koncentracije imaju supsidijarna društava registrovana na cijeloj teritoriji Bosne i Hercegovine.

Slijedom gore navedenog, relevantnim tržištem koncentracije smatra se tržište električne energije u Bosni i Hercegovini.

6. Ocjena koncentracije

Konkurencijsko vijeće je, nakon procjene i analize podataka i utvrđenih činjenica, u smislu člana 17. Zakona, u postupku donošenja Rješenja, ocijenilo da provođenje koncentracije na relevantnom tržištu neće imati direktnog uticaja na tržište električne energije u Bosni i Hercegovini niti će doći do promjene tržišnih udjela na relevantnom tržištu, budući da se radi o promjeni vlasničke strukture učesnika koncentracije.

Prema podacima iz Prijave učesnici koncentracije i njihova supsidijarna društva u Bosni i Hercegovini nisu obavljali prodaju električne energije tokom 2008. godine na relevantnom tržištu predmetne koncentracije.

Uzimajući u obzir sve iznesene činjenice i podatke koji su prethodili donošenju Rješenja, Konkurencijsko vijeće je ocijenilo koncentraciju dopuštenom, u smislu člana 18. stav (2) tačka a) Zakona, te je odlučilo kao u dispozitivu ovog Rješenja.

7. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednik

dr. Stjepo Pranjić